

Na osnovu člana 22. Porodičnog zakona Federacije BiH (Sl. novine FBiH broj 35/05 i 41/05, i 31/14) a u vezi sa tačkom 149-a, Upustva o načinu vođenja matičnih knjiga (Sl. novine FBiH, broj 51/13,55/13, 82/13 i 06/15) i na osnovu člana 35. i 69. Statuta Općine Stari Grad – prečišćeni tekst, (Sl. novine Kantona Sarajevo broj 20/13) općinski Načelnik donosi:

**PRAVILNIK**  
**O naknadama posebnih troškova za obavljanje**  
**sklapanja braka i legalizaciju potpisa**

čl 1.

Pravilnikom o naknadama posebnih troškova za obavljanje vjenčanja i legalizaciju potpisa, po posebnim zahtjevima iz nadležnosti Načelnika Općine – Službe za opću upravu Općine Stari Grad Sarajevo, utvrđuje se vrsta poslova i visina naknade za obavljanje istih (u daljem tekstu: usluge), radi zadovoljavanja potreba građana.

čl. 2.

Sklapanje braka u redovnom terminu (srijeda i subota) od 8h – 16 h u zgradi Općine Stari Grad – vrši se bez naknade.

čl. 3.

Posebne usluge u smislu čl. 1. ovog Pravilnika smatraju se:

1. Sklapanje braka u vanrednim terminima u zgradi Općine Stari Grad:
  - ponedjeljak, utorak, četvrtak, petak od 8h – do 18h - 100 KM
  - srijeda i subota od 16h - do 18h - 100 KM
2. Sklapanje braka izvan zgrade Općine po zahtjevu (ugostiteljski objekat, restoran, vlastiti stan i drugi slični objekti)
  - od 8h - 18h – 500 KM
  - od 18h – 19h – 700 KM
3. Sklapanje braka u neradne dane (nedjelja i praznici)
  - od 8h – 18h – 700 KM
4. Sklapanje braka u zgradi Općine kada su oba bračna partnera strani državljani - 700 KM
5. Legalizacija potpisa na terenu, po posebnom zahtjevu u radno vrijeme – 50 KM po potpisu

čl.4.

Plaćanje naknada za usluge iz ovog pravilnika oslobođeni su:

- nepokretna lica, za usluge iz čl. 3. tačka 2. Pravilnika, pod uslovom da se zaključenje braka obavlja u njihovom stanu.
- Uposlenici Općine i njihova djeca za usluge iz čl. 3. tačka 2. Pravilnika
- Stara, bolesna, invalidna i nepokretna lica za usluge iz čl. 3 tačka 5. Pravilnika (uz prezentaciju dokaza)

čl. 5.

Prilikom izlaska na teren uposlenika Općine u svrhu pružanja usluga legalizacije potpisa i matičara prilikom sklapanja braka van zgrade Općine, prevoz obezbjeđuje Općina o svom trošku.

čl. 6.

Naknade utvrđene čl. 3. Pravilnika uplaćivat će se na blagajni Općine Stari Grad Sarajevo. Odobrenje da se sklapanje braka izvrši van službenih prostorija Općine izdaje se u obliku Rješenja na osnovu kojeg će budući bračni partneri izvršiti uplatu iz člana 3. ove Odluke, na blagajni Općine Stari Grad Sarajevo.

čl. 7.

Sredstva ostvarena po ovom Pravilniku su prihodi Općine i usmjeravat će se za socijalne programe.

čl. 8.

Izvještaj o primjeni ovog Pravilnika priprema Služba za Opću upravu i podnosi ga Načelniku Općine jednom mjesečno, u sklopu izvještaja o radu Službe.

čl. 9

Lice koje uplati posebnu naknadu, a u međuvremenu odustane od zahtjeva za pružanje posebne usluge, ima pravo na povrat sredstava.

Postupak za povrat sredstava pokreće se na zahtjev stranke. O zahtjevu za povrat rješava Služba za opću upravu, a nakon pravosnažnosti rješenja, Služba za finansije će realizovati povrat sredstava.

čl. 10.

Donošenjem ovog Pravilnika prestaje da važi Pravilnik o naknadama posebnih troškova za obavljanje sklapanja braka i ovjeru dokumenata broj 01-05-2-823/13 od 18.04.2013.godine.

čl. 11.

Ovaj Pravilnik stupa na snagu danom donošenja.

Broj:01-05-4-400/15  
Datum:12.02.2015.godina

NAČELNIK OPĆINE  
mr. Ibrahim Hadžibajrić